

MISILITSINNERMUT QUPPERSAGAQ

TNI & MERX-IMI ILINNIARNERMI

GREENLAND BUSINESS SCHOOL - NIUERNERMIK

ILINNIARFIMMI

IMAA

Aallaqqaasiut	4
Inatsisitigut tunngavik	4
Nalinginnaasumik najoqqutassat	5
Misilitsinnermi peqataanissamut piumasaqaatit – peqataanissamut nalunaarneq peqataannginnissamullu nalunaarneq	5
Misilitsinnermut takkunneq uninngaarnerlu	5
Inortuigaanni	6
Ini misilitsiffik piffissaq naanngitsoq qimanneqarpat	6
Perusersartarfiliarneq	6
Nerisassat imigassallu	6
Asseq kinaassutsimut uppernarsaat	7
Misilitsinnermi tunngavigisat sisamat	7
Anguniakkat piumasaqaatillu	7
Misilitsinnerup tunngavia	7
Naliliinnermi tunngavik	8
Naliliinnermi piumasaqaatit	8
Misilitsinnermi oqaatsit atorneqartut	8
Tamanut ammasuuneq mianerinninnerlu	9
Nipinik videonillu immiussinerit	9
Nipangersimasussaatitaaneq	10
Atortussat	10
Qarasaasiamik aamma Wiseflow-imik atuineq	10
Misilitsinnerit assammik allatat	11
Generativ Artificial Intelligence-p atorneqarnera	11
Inunnut paasissutissanik eriaginninneq	12
Pissusilersorneq akuerineqarsinnaanngitsoq, misilitsinnermi peqquserlunneq aamma assiliiginnarneq (plagiat)	12
Pissusilersorneq akuerineqarsinnaanngitsoq	12

Misilitsinnermi peqquserlunneq	13
Assiliiginnarneq (plagiat).....	13
Annertusisamik nakkutilliineq	13
Attaveqaqatigiinneq aamma inoqatinut attaveqaatit	14
Immikkut ittumik akuerineqarneq, pissutsit immikkuullarissut aamma napparsimaneq.....	14
Ilimaginngisamik pisoqartillugu immikkut ittumik akuerineqarneq	14
Innarluuteqarnikkut atukkat immikkut ittut	15
Napparsimalernermi	15
Napparsimasimalluni misilitsinneq aamma misilitseqqinneq	16
Misilitsinnermut misiliineq	16
Nuup avataani misilitsinneq.....	17
Internet-ikkut oqaluttariarsorluni misilitsinneq	18
IT-support.....	18
Praktikkernermik sivitsuineq	19
Censorinik atuineq, censorinik toqqaaneq aamma censorip ileqqussai.....	19
Censorimik toqqaanermut piumasaqaatit	20
Censorimut paasissutissiineq	20
Censorip ileqqussaa.....	20
Karakteriliineq naliliinerlu	21
Napparsimasimalluni misilitsinnermi misilitseqqinnermilu censoriuneq	21
Censorip nalunaarusiaa.....	21
Misilitsinnermi naliliineq karakteriliinerlu.....	21
Atuartitsisup nalunaarutaa.....	22
Eqimattakkaarluni misilitsinnerit	22
Misilitsissimanermut uppernarsaat.....	23
Naammagittaalliutit.....	23
Ilangussaq 1: immikkut akuerineqarnissamut qinnuteqarnermut immersugassaq	25

AALLAQQAASIUT

Uuma misilitsinnermut quppersakkap malittarisassat atuuttut, ingerlaatsit maleruagassallu Greenland Business School – Niuernemik Ilinniarfik-mi (GBS/NI), ilinniakkami TNI-mi aamma MERX-ip ataani ilinniakkani misilitsinnermut tunngasut tunngavigivai, ilinniarnep pilersaarutaani aallatut allassimasoqanngippat.

Inatsisitigut tunngavik

Misilitsinnermut quppersakkap qulakkiissavaa ilinniartunut misilitsinnerit naliliinerillu inatsisit atuuttut malillugit pisassasoq, peqquserlunnerit ikilisassallugit kiisalu naapertuilluartumik naliliinissaq.

Misilitsinnermut quppersakkap inatsisit atuuttut aallaavigivai

- Namminersornerullutik Oqartussat nalunaarutaat nr. 14 23. juni 2008-meersoq karakteriliisarnermi tulleriinnilersuineq allatullu naliliisarneq pillugit
- Inatsisartut inatsisaat nr. 31 4. juni 2024-imeersoq inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit
- Namminersornerullutik Oqartussat nalunaarutaat nr. 11 juni 2009-meersoq inuussutissarsiutinut ilinniartitaanerit pilersaarutit pillugit
- Namminersorlutik Oqartussat nalunaarutaat nr. 4 18. marts 2015-meersoq inuussutissarsiutinik ilinniarfinni soraarummeertarnerit pillugit

Atuutilertera akuerineqarneralu

Misilitsinnermut quppersagaq atuutilerpoq 22. april 2025 ilinniartunullu tamanut qaffasinnerusumut ilinniarnemut GBS/NI-mi tigusaasimasunut atuulluni.

Misilitsinnermut quppersagaq atuarfiup pisortaanit akuerineqarpoq 14. april 2025.



Troels Friis

NALINGINNAASUMIK NAJOQQUTASSAT

Misilitsinnermi peqataanissamut piumasaqaatit – peqataanissamut nalunaarneq peqataanginnissamullu nalunaarneq

Misilitsinnissamut piumasarineqartut tamanit malinneqartussat ilinniakkap aaqissuussaanerani allaqqapput. Faginut ataasiakkaanut ilinniartisisup akisussaasuusup aammattaq paasissutissiissutigisussaavai. GBS/NI-mi atuartoq misilitsinnissamut ingerlaannarluni nalunaarutigineqartarpoq. Lectio-mi qaqugu sumilu nalunaarutigineqartarpoq. Atuartoq misilitsinnissamut pilersaarutit pisortatigut nalunaarutigineqartut allangortinneqarsinnaaneri alaatsinaattuassavai.

Misilitsilernermi piumasaqaatit naammassisimangippata, misilitsinnermi misiliineq atorneqartarpoq. Aatsaat misilitseqqinnissamut ilanngunneqartarpoq, piumasaqaatit tamanit malinneqartussat eqqortikkaanni. Misilitsinnermut peqataanginnissamut nalunaarneq inatsisit tunngavigalugit akuerineqartussaavoq, immikkut ittumik akuerineqarnissamik ilinniartut kiffartuussiviannut (studieservice) immikkut akuerineqarnissamik qinnuteqaateqarnikkut (takuuk ilanngussaq 1).

Misilitsinnermut takkunneq uninngaarnerlu

Ilinniartup akisussaaffigivaa misissussallugu, sumi qaqugulu misilitsittoqassanersoq, kiisalu sumiiffissamut nalunaaqtsiussarlu eqqorlugu takkunnissamut.

Oqaluttariarsorluni misilitsinnernut ilinniartuq misilitsinnissaq kingusinnerpaamik 30 minutsinik sioqqullu takkutissaaq. Piffissamik siuartitsisoqariataarsinnaavoq, kinguneralugu ilinniartuq misilitsissinnaammat misilitsiffissamit pilersaarutaasumit siusinnerusukkut. Censori misilitsinneq 15 minutsinik sioqqullugu takkuttussaavoq

Allattariarsorluni misilitsinnermi misilitsittussaq misilitsinneq 30 minutsinik sioqqullugu takkutissaaq. Misilitsinnermut akisussaasoq, misilitsiffimmeereersimassaaq misilitsinnerup aallartinnissaa 30 minutsinik sioqqullugu, qulakkeerniarlugu misilitsittussat tamarmik Wiseflow-imut attavilersinnaanersut.

Misilitsinnerit tamarmik atuarfiup initaanni ingerlanneqassapput. Aatsaat immikkorluinnaq pisoqartillugu immikkut ittumik allami misilitsinnissaq akuerineqarsinnaavoq (takuuk Nuup avataani misilitsinneq pillugu immikkoortortaq).

Inortuigaanni

Misilitsinnermut inortuigaanni misilitsilluni misiliineq atorneqariataarsinnaavoq. Ilinniartut kiffartuussiffiannut 323099-imut erngerluni sianertoqassaaq. Taava ilinniartut kiffartuussiviata misilitsiffimmi nakkutilliisooq attavigissavaa, misilitsitsisooq peqatigalugu naliliissammat, misilitsittussaq misilitsinnermut peqataasinnaansooq imaluunniit misilitsinnermut misiliut atussaneraa. Taakkua aaliangiisuussapput, pissutsit aallaavigalugit ilinniartooq akuerineqassanersoq. Nalorninermi ilinniarfiup pisortaa attavigineqassaaq.

Ini misilitsiffik piffissaq naanngitsoq qimanneqarpat

Atuartup ini misilitsiffiusooq qimannissaanik kissaateqarpat, akissutini tunniuteerlugit, allattariarsorluni misilitsinneq sulii naanngitsoq, talini nappassavaa misilitsinnermi nakkutilliisooq qaaqquniarlugu. Misilitsinnermi nakkutilliisup atuartoq krydsilereerpagu ini qimassinnaavaa.

Misilitsittup suliani naammassisimasooq tunniunnagu ini misilitsiffiusooq qimappagu, akissutaa nalilersorneqassanngilaq, misilitsinnermullu misiliinertut isigineqassalluni.

Inip misilitsiffiusup misilitsinnermi akunnerup affaa siulliup imaluunniit akunnerup affaata kingulliup iluani qimaqqusaanngilaq. Multiple choice-test-imi ini misilitsiffiusooq qimaqqusaanngilaq, misilitsinneq naanngippat.

Perusersartarfiliarneq

Allattariarsornermi oqaluttariarsornermilu misilitsinnerni unikkallarnerit atorneqanngillat. Allattariarsorluni misilitsinnermi taamaallaat perusersariartorneq pisinnaavoq misilitsinnermi nakkutilliisumit akuerineqaaqqaarnikkut, nalunaaquttalli akunnerata siulliup affaata kiisalu akunnerup affaata kingulliup nalaani taamaallaat pinnani. Oqaluttariarsorluni misilitsinnerup nalaani perusersariartornissaq periarfissaanngilaq.

Nerisassat imigassallu

Nerisassat imigassallu nammineq atugassat taamaallaat nassaqqussaapput. Tipeqassanngillat imaluunniit nipiliussanatik misilitsiffiup iluaniittunut allanut ajoqutaasumik. Tamanna misilitsilluni nakkutilliisup nalilissavaa.

Asseq kinaassutsimut uppersarsaat

Misilitsittoq assimik kinaassutsiminik uppersarsaatigisinnaasaminik peqartussaavoq, assersuutigalugu ilinniartuunermut allagartaq (studiekort), pas imaluunniit biilernerumut allagartaq, piumaffigineqaruni takutissinnaasaanik. Nalornisoqalissappat imaluunniit assimik kinaassutsimik peqanngippat, ilinniartuup pisortaata aaliangissavaa, misilitsinnermut isernissaq akuerineqassanersoq. Iseqqusaanngikkaanni, misilitsinnermut misiliinertut naatsorsuutaassaaq.

MISILITSINNERMI TUNNGAVIGISAT SISAMAT

Anguniakkat piumasaqaatillu

Anguniakkat piumasaqaatillu tassaapput fagimut piginnaasanullu tunngasut anguniagassat, misilitsinnermi angusassat. Taakkua avataasigut aaliangersimasunik piumasaqaateqartoqarsinnaavoq ilinniakkap aaqqissuunneqarnerani fagillu allaaserinerani aaliangersagaasuni, taakkulu ilinniakkat akornanni allanngorarsinnaapput.

Misilitsinnerup tunngavia

Atuartup atuarfiup pingartitai anguniagassat ilisimassavai, atuarnerup aallartinneraniilli. Misilitsinnerup tunngaviata imarivaa fagip imai imaluunniit tassunga tunngasut atortut, misilitsinnermi tunngaviusut, misilitsittoq periarfissinneqassaaq piginnaanerit pissarsiarisimasani takutissallugit. Tamanna assersuutigalugu pisinnaavoq misilitsinnermi apeqquutigut, suliasatigut, atuarnerup nalaani atuarsimasatigut, misiliinikkut imaluunniit ilinniartup suliarisimasaatigut, soorlu takutitassatut saqqummiinikkut imaluunniit takussaasumik suliarisimasaatigut.

Misilitsinnermut tunngavigisat ataatsimut isigalugu anguniakkanik piumasaqaatinillu pingaarutilinnik aallaaveqartariaqarput. Tamanna isumaqarpoq, atuarfiup anguniagassat toqqarsinnaagai, fagit aamma piginnaasassat iluanni pingaaruteqartutut nalilikkat. Taamaammat anguniagassat piumasaqaatillu tamarmik misilitsinnissamut tunngavimmut ilaasariaqanngillat.

Naliliinermi tunngavik

Atuartup atuartitsinerup aallaqqaataaniilli naliliinermut tunngavigineqartoq ilisimassavaa. Assersuutigalugu ilinniartoq suliaqarsimasinnaavoq naammassisaminik, misilitsinnissamut peqataanissamut piunasaqaataasumik, misilitsinnermili naliliinermut peqataatinneqanngitsunik.

Naliliinermut tunngavigineqartut tassaapput takussutissatut suliarisimasat (produkter), suliaqarnerup ingerlarngi imaluunniit suliart naliliinermut tunngavigineqartut. Atuarfiup suliassaraa, suut naliliinermi ilanngunneqassanersut, qanorlu tamaasa ataasiakkaarlugit naliliinermi naatsorsuutigineqassanersut. Naliliinermi tunngavigisat misilitsinnermilu tunngavigisat assigiissinnaapput. Naliliinermi misilitsinnermut tunngavigisat assigiinngippata, ersarissumik allanneqassaaq suut ilaatinneqarsimanersut.

Naliliinermi piunasaqaatit

Naliliinermi piunasaqaatit, naliliinermi tunngaviit aallaavigalugit ersersissavaat, atuartup qanoq atsigisumik anguniakkat pingaarutillit angusimanerai. Naliliinermi piunasaqaatit taamaalillutik ersersissavaat, atuarfiup suut, suliassap aaliangersimasup suliarinerani "pitsaalluinnertumik" imaluunniit "naammaannartumik" anguneqassasut naatsorsuutiginerai. Aammattaaq ersersinneqassaaq, qanoq atuarfiup "pingaaruteqanngitsut" imaluunniit "pingaarutillit" assigiinngissusaat immikkoortittarnerai.

MISILITSINNERMI OQAATSIT ATORNEQARTUT

Misilitsinneq fagip atuartitsissutigineqarami oqaatsit atorneqartut aallaavigalugit ingerlanneqassaaq, allattariarsornerni oqaluttariarsornernilu misilitsinnerni. Siunnersuisartorlu isumaqatigiissutigineqareersimasassaaq, suliniutissatut suliassaq (projektogave) oqaatsit sorliit atorlugit allanneqassanersoq. Atuartup oqaasiisa atuartitsinnermi oqaatsit atorneqartut assigiinngippagit, ajornanngippat marluinnik oqaasilik censorinngortinneqarsinnaavoq.

Atuartoq ingerlatiinnarlugu nutserisoqarusuppat, immikkut ittumik qinnuteqartoqassaaq minnerpaamik misilitsinneq sapaatip akunnerinik 8-nik sioqqullugu. Atuarfiup ingerlatiinnarlugu nutserisoqarnissaaq neqeroorutigisinnaavaa, periarfissaassappat. Nutserisoq takkutinnngippat, misilitsinneq atuartitsinnermi oqaaserineqartut naapertorlugit ingerlanneqassaaq. Atuartut tuluttut misilitsinnissartik qinnuteqaatigisinnaavaat kalaallisut qallunaatulluunniit taarsiullugu, kiisalu suliniutissatut suliassat (projektogaver) imaluunniit allat allattariarsorluni suliassat tuluttut allallugit tunniussinnaavai. Atuartoq qinnuteqassaaq immikkut ittumik skemamik (takuuk ilanngussaaq 1) immersuinikkut nassiullugulu ilinniartut kiffartuuffiannut info@gbs.gl -imut, taava siunnersortip imaluunniit misilitsinnermut akisussaasup suliarissavaa.

Atuartup inunnguutsiminik oqaasii atuartitsinermi oqaatsit atorneqartuniit allaaneruppata, qinnuteqartoqarsinnaavoq piffissamik 25%-imik piareersarnissaq oqaluttariarsorlunilu misilitsinnermut piffissaliusaaq sipporneqarsinnaanersoq. Allattariarsorluni misilitsinnerni nakkutilliisoqartuni ilinniartoq tamatigut piffissaq 25%-imik sipporlugu tunineqartassaaq, piareersarnermut, ilitsersorneqarnermut aamma ingerlanneranut.

TAMANUT AMMASUUNEQ MIANERINNINNERLU

Oqaluttariarsorluni misilitsinnerit tamarmik tamanut ammapput. Atuarfiulli misilitsitsisuata aaliangersinnaavaa, oqaluttariarsorluni misilitsinneq tamanut ammassanngitsoq pissutsit immikkut ittut pissutigalugit. Assersuutigalugu ilinniartumut asattuussinerusinnaavoq, inissaaleqineq pissutaasinnaavoq, mianerinninneq pissutaasinnaavoq imaluunniit eqqissisimanissaq torersuunissarlunniit qulakkeerniarlugu pissutaasinnaavoq.

Inuit ataasiakkaat aamma iseqqusaanngissinnaapput anisitaasinnaallutillu, misilitsinnerup nalaani eqqissisimaneq torersuunissarlu qulakkeernissaat pisariaqassappat. Oqaluttariarsorluni misilitsinneq najuuffigerusukkaanni, misilitsittoq misilitsitsisorlu isumaqatigisariaqarput. Misilitsitsisoq naliliisuussaaq qulaani allassimasoq pineqassappat.

Misilitsitsisoq censorilu naliliilerpata, misilitsitsinermit najuuttoq misilitsittorlu pigisatik tamaasa nassarlugit misilitsiffimmiit anissapput. Misilitsitsisoq censorilu kisimik naliliinermi najuuteqqusaapput.

Eqimattakkaarluni oqaluttariarsornermi misilitsinnermi eqimattami misilitseqatit misilitsiffimmeeqqusaanngillat, misilitsinnerup inerneranik tusarlerneqarnerup nalaani.

Nipinik videonillu immiussinerit

Nipinik videonillu misilitsinnermik immiussinerit inerteqqutaapput, immiussinerit misilitsinnermut tungassuteqanngippata. Taava immiussinerit GBS/NI-mit ingerlanneqassapput. Atuartoq akuerineqanngitsumik immiussippat, ilinniarfiup pisortaata imaluunniit forstanderip qanoq kinguneqartitsisoqassanersoq aaliangissavaa.

Misilitsitsisup nipinik imaluunniit videonik immiussinissaq kissaatigissappagu, inerisaanermik ilinniartitsinermillu tungassutilimmik siunertalimmik, atuartumit aamma censorimit allakkatigut akuersissummik pisariaqarpoq. Immiussat GBS/IN-imit paarineqassapput.

Nipangersimasussaataaneq

Atuartoq misilitsinnermut suliassamik tunngasumik suliaqartillugu, siunnersorti ilaatigullu censori allallu GBS/NI-miittut nipangersimasussaataaapput. Malugeqquneqarpoq, paasissutissat, siunnersortimut siunnersorneqarnerup nalaani tunniunneqartut nipangersimasussaataanerup ataaniimmata. Taamaammat tunngaviusumik mianerinninnissamut isumaqatigiissusiortoqartariaqanngilaq, suliffeqarfiup imaluunniit kattuffiup ujartunngippagu.

Misilitsinnermi suliassaq isertukkanik imaqarpat, atuartutut suliap tunniunnerani "Isertuussaq"-mik nalunaaqutserneqassaaq. Suliap saqqaaniissaaq aamma ilinniartup Wiseflow-imi nalunaaqutsissavaa. Suliffeqarfiit imaluunniit kattuffiit ilaasa naammagisarpaat misilitsinnermi suliaq isertuussatut nalunaaqutserneqaraangat, allalli isumaqatigiissusiortoqarnissaa piumasarisarlugu.

Suliffeqarfik imaluunniit kattuffik mianerinninnissamut isumaqatigiissusiortoqarnissaanik kissaateqarpat, atuartup, suliffeqarfiup imaluunniit kattuffiup atuarfiullu akornanni isumaqatigiittoqarsinnaavoq. Mianerinninnissamut isumaqatigiissut atugassaq atuarfimmii pissarsiarinaraanni, atuartunik kiffartuussisut attavigikkat. GBS/NI-p isumaqatigiissut akuersaarpasuk, ilinniartup pisortaata atsiussavaa. Mianerinninnissamut isumaqatigiittoqarpat siunnersortip imaluunniit misilitsitsisup qulakkiissavaa, tassunga atasooq oqaluttariarsorluni misilitsinneq tusarnaartoqarani ingerlanneqassasoq.

ATORTUSSAT

Misilitsinnerup qanoq ittuussusaata aaliangissavaa, atortussat qanoq ittut misilitsinnermi atorneqassanersut. Atortussanik atuinnermut sinaakkusiussaq fagip allaaserineqarnerani atuarneqarsinnaavoq.

Misilitsittup nammineq akisussaaffigivaa atortussat pisariaqartut nassarnissaat, akisussaaffigaluguttaaq ajoquteqannginneri. Aamma taamaappoq atortussat GBS/NI-miit atukkiunneqarpata. Misilitsinnermi nakkutilliisup tamatigut atortussat nassarneqartut misissornissaat pisinnaatitaaffigaa.

Qarasaasiamik aamma Wiseflow-imik atuineq

Aallaaviusumik atuartup nammineq qarasaasiaq pigisani atussavaa. Atuartup nammineq akisussaaffigivaa qulakkiissallugu qarasaasiap akornuteqannginnissaa. Taamaappoq qarasaasiaq nammineq pingiguniuk imaluunniit atuarfiup atukkiussariguniuk. Ilinniartooq IT-support-imut GBS/NI-miittumut saaffiginnissaaq qarasaasiamik atornissaminik pisariaqartitsiguni.

Allattariarsorluni misilitsinnerit tamarmik Wise-flow-imi ingerlanneqassapput, atuartullu nammineq akisussaaffigivaa eqqortumik Wiseflow-imut tunniussinissani. Aammattaaq misilitsittunut tamanut misilitsissutissat pappilissakkut misilitsinnerup aallartinnerani tunniunneqassapput.

Wiseflow-imi teknikkikkut ajornartorsiuteqalissagaluarpat, atuartup allattariarsorluni misilitsinneq USB-kkut tunniussinavaa, GBS/IN-imit tunniunneqartukkut. Nammineq pigisaq USB atorneqaqqusaanngilaq. Fil-it tamarmik pdf-formatitut tunniunneqassapput. Atuartup fil-i nammineq aterminik atsissavaa kiisalu fagi holdillu aqqi. Taava USB-stikki misilitsinnermi nakkutilliusumut tunniunneqassaaq allakkap puuanut ikillugu, atsiurlugu atiminik fagilu suna misilitsinnerunersoq. Ilinniartup ini misilitsiffik ajornanngippat qimassanngilaa, misilitsittuni nakkutilliusup qulakkeertinnagu, pdf-fil-i Wiseflow-imut uploaderneqarsinnaanersoq.

Misilitsinnerit assammik allatat

Misilitsinnerit assammik allatat suliallu allaaserineri malitassat nalinginnaasut aallaavigalugit suliarineqassapput.

Assammik allatat tunniunnerini makkua malinneqassapput:

- Ateq, quppernerup normua quppernerit tamaasa
- Akissut kuglepen-imik tungujortumik allanneqassaaq

Misilitsinneq sioqqullugu isumaqatigiissutigereersimasassaaq, misilitsinnermi akissut assammik allataq tunniunniaraanni.

Generativ Artificial Intelligence-p atorneqarnera

Generativ Artificial Intelligence (GenAI), allatanik pilersitsisartoq taaneqartarpoq oqaatsit modellit angisuut (store sprogmoller)(LLM tuluttut taaguut malillugu Large Language Models). ChatGPT, Google Gemini allallu chatbot-iupput, oqaatsit modellii angisuut ikiortigalugit pilersartut.

Atuarfiup malittarisassai suliasanut malinneqartussaapput, taakkua aamma ataanni inaarutaasumik suliasat. Ilinniartup GenAI sulinermini atorsinnaavaa, atorneqarnerali suliap tunniunnerani nalunaarutigineqassaaq. Taamaammat ilinniartup eqqarsaqqissaarneranut, apeqqusiilluni eqqarsarsinnaaneranut, periaatsinut najoqqutarisanillu innersuussineranut piumasaqaatit annertunerusut naatsorsuutigineqarput.

Misilitsinnermi suliasat, GenAI atorlugu suliarineqartut, allat allattariarsornikkut suliat malittarisassaat assigivaat. Nassuiaatigineqartoq, GenAI-p atorneranut eqqarsaatersuutit ilanngullugit, naliliinermut ilaatinneqassapput.

Atuarfiup GenAI-mut aamma nassuiaammut politikkaa atuarfiup nittartagaani [politikkit aamma quppersakkat](#) -ni takuneqarsinnaapput. Tassani nassaarineqarsinnaapput malitassat ilitsersuutillu nutaanerpaat GenAI-p eqqortumik eqqunngitsumillu malinnissaanut ilitsersuutit. Taakkua avataasigut fagip allaaserineqarnerani misissuisoqartassaaq GenAI-p atortorissaarutitut atornissaa pillugu. Taassuma sukkasuumik ineriartortinneqarnera pissutigalugu, atuarfiup GenAI pillugu politikkaa ukiumoortumik nutarterneqartarpoq.

Inunnut paasissutissanik eriaginnineq

Atuartup paasissutissat inunnut tunngasut – nalinginnaasut imaluunniit eriagisariaqakkat – GenAI-p immersorneranut atoqqusaanngilai. Tassani pineqarput imminut, ilinniaqatinut imaluunniit paasissutissiisunut tunngasut. Tassani pingeqarput prompt-imut immiinermi aamma fil-imik uploaderinermi. Aammattaaq atuartup praktikkerfigisamini paasissutissat eriagisariaqartut imaluunniit atuartup suliffeqarfimmik suleqateqarnermini paasissutissat, GenAI-mi immiussatut atoqqusaanngilai. Tassani pingeqarput prompt-imut immiinermi aamma fil-imik uploaderinermi. Atuartup nammineq akisussaaffigivaa suliffeqarfimmeersut paasissutissat eriagisassaanersut misissussallugit.

PISSUSILERSORNEQ AKUERINEQARSINNAANNGITSOQ, MISILITSINNERMI PEQQUSERLUNNEQ AAMMA ASSILIIGINARNEQ (PLAGIAT)

Ileqqorissaarnissamut malittarisassat atuarfimmitt assut pingaartinneqarput, taamaammat akuerineqarsinnaanngitsumik pissusilersorneq, misilitsinnermi peqquserlunneq aamma assiliiginarneq ilumoorunneqassapput, atuarfiullu malittarisassai malillugit kinguneqartinneqarsinnaallutik.

Pissusilersorneq akuerineqarsinnaanngitsoq

Atuartoq akuerineqarsinnaanngitsumik imaluunniit akornusersuisumik misilitsinnermi pissusilersorpat imaluunniit misilitsinnermi malittarisassat unioqquutippagit, pisumut nalileereernikkut imatut pisoqarsinnaavoq pisortap aaliangigaanik:

- Ileqqorissaarnissaq pillugu ilinniakkap pisortaani oqaloqateqarneq
- Allakkatigut mianersoqqussut
- Misilitsinnermit anisitaaneq aamma misilitsinnermik misiliinermut atuisinnaajunnaarneq
- GBS/NI-mit anisitaaneq

Misilitsinnermi peqquserlunneq

Misilitsinnermi peqquserlussimasutut pasitsaassaqaarnermi atuartitsisup imaluunniit allaffeqarfiup pisoq misissorlugu aallartissavaa. Peqquserlussimanermik ilimanaateqarpat, suliaq ilinniakkap pisortaanut nalunaarutigineqassaaq. Misilitsinnermi peqquserlunermik pasisatsaassaqaarneq, misilitsinnermi nakkutilliisumit paasineqartoq, aamma ilinniakkap pisortaanut nalunaarutigineqassaaq. Misilitsinnermi peqquserluttoqarsimasooq paasineqarpat ataasiakkaarani eqimattakkaarunili suliaqarluni, suliap tamarmi nalilerneqarnissaa itigartitsissutigineqassaaq, eqimattami peqataasunut tamanut. Kinguneqartitsinissaaq eqqarsaatigineqassaaq, misilitsinnermi peqquserlussimaneq imaluunniit peqataasimaneq uppersaatissaqarpat.

Assiliiginnarneq (plagiat)

Assiliiginnarneq pisumi qanoq atsigisumik assiliiginnartoqarsimaneq nalilerneqassaaq. Ingasattajaarnikkut imaluunniit arlaleriarluni assiliiginnarnikkut kinguneritineqarsinnaavoq, ilinniartup erngeluni aturfimiit anisitaanerani. Anisitaaneq piffissamik killilerneqartumi imaluunniit atuutiinnartussamik kinguneqarsinnaavoq. Assiliiginnaraanni, kinguneqartitsinerit makkuusinnaapput:

- Misilitsinnermik misiliinermik annaasaqaarneq
- Nalilerneqanngitsoorneq imaluunniit nalilerneqarsimanerup atorunnaarsinneqarnerani
- Mianersoqqussummik tunineqarneq misilitsinnermi malittarisassanik unioqqutitsisimasutut
- Misilitsinnermiit anisitaaneq
- GBS/NI-miit anisitaaneq

Annertusisamik nakkutilliineq

Atuarfiup aaliangersinnaavaa, misilitsinnermi nakkutilliineq misilitsittumut imaluunniit arlalinnut misilitsinnermi annertusissasoq. Annertusisamik nakkutilliineq qanoq isikkoqassanersoq atuarfiup aaliangissavaa, assersuutigalugulu kingunerisinnaavaa, misilitsittoq inimi nakkutilliisumut qaninnngorlugu inissinneqartoq. Atuarfiup Wiseflow atortarpa, kiisalu IT-mut atortut allat atorsinnaallugit misilitsinnermi peqquserlunnerit paasineqarnissaannut.

Attaveqaqatigiinneq aamma inoqatinut attaveqaatit

Misilitsinneq aallartikkaangat, ilinniartup allat attaveqarfigeqqusaajunnaassavai. Taamaallaat saaffiginninneq misilitsinnermi nakkutilliisumut nappaanikkut pisinnaavoq. Atuarfiup initaani allattariarsorluni misilitsinnermi ilinniartup atuarfiup internet-imut attaveqaataa atussavaa.

Ilinniartup misilitsinnermi nakkutilliisuunngitsunut attaveqarniaraluarpat, imaluunniit atortorissaarutit atoqqusaanngitsut atorpagit, taanna erngerluni misilitsinnermiit anisitaassaaq. Atuartup platformit, attaveqaqatigiiffiusinnaasut imaluunniit filinik nassiussiviusinnaasut, atoqqusaanngilai.

Tusarnaarutit assigisaalluunniit misilitsinnerup nalaani atoqqusaanngillat, misilitsinnermi suliassamut attuumassuteqanngippata. Tamanna peqquserlunneq pinngitsoortinniarlugu malitassaavoq. Tusarnaarutini immikkut ittumik pisariaqavippat atortariaqakkanik, immikkut ittumik akuerineqarnissamik qinnuteqartoqassaaq. Mobiltelefonit qaminngassapput, smartwatch-illu misilitsinnerup nalaani attaveqassanatik.

IMMIKKUT ITTUMIK AKUERINEQARNEQ, PISSUTSIT IMMIKKUULLARISSUT AAMMA NAPPARSIMANEQ

Atuarfik ilinniakkani aaliangersakkaniit immikkut ittumik akuersaarsinnaavoq, nalilerneqarpat inatsisit malillugit akuersarneq tunngaveqartoq. Atuartup aallaavittut immikkut ittumik akuerineqarnissamik qinnuteqaat kiisalu takussutissiat tassunga tunngasut nassiunneqassapput info@gbs.gl -imut misilitsinnissaq sapaatit akunnerinik 4-nik sioqqullugu (takuuk ilanngussaq 1). Napparsimalermermi imaluunniit ilimaginngisamik pisoqartillugu, ilinniartoq ilinniartut kiffartuussiffiannut sukkanerpaamik 323099-imut attaveqassaaq.

Ilimaginngisamik pisoqartillugu immikkut ittumik akuerineqarneq

Ilimaginngisamik pisoqartillugu soorlu erninermut atatillugu sulinngiffeqarneq, napparsimaneq imaluunniit qanigisat perulunnartumik napparsimalersillugit imaluunniit toqusoqartillugu immikkut ittumik akuerineqartoqarsinnaavoq. Atuartup piaarnerpaamik immikkut ittumik akuerineqarnissamik qinnuteqaat nassiatissavaa ilanngullugit uppernarsaatit immikkut ittumik pisumut ilannguttariaqartut ilinniartunut kiffartuussiffimmut.

Qinnuteqaat akuerineqarpat, atuartoq misilitsiffissaraluamit peerneqassaaq, nutaamullu ingerlaannarluni ilanngunneqarluni. Atuartup nammineq nakkutigissavaa misilitsinnissamut nutaamut piffissaliussaq Lectio aqqutigalugu.

Innarluuteqarnikkut atukkat immikkut ittut

Atuartut timikkut imaluunniit tarnikkut innarluuteqartut immikkut ittumik akuersissummik qinnuteqarsinnaapput misilitsinnissamut immikkut ittumik atugassanik, taamaalillutillu ikorfartorneqarnissaminut tunineqarlutik.

Atuarfiup nammineq aaliangissavaa, atukkat immikkut ittut ilumut pisariaqarnersut. Immikkulli ittumik akuersissutip misilitsinnermi fagip qaffasissusaa sunnissanngilaa. Immikkut ittumik akuerineqarnissamut qinnuteqaat ilinniartut kiffartuuffiannut info@gbs.gl -imut atuarnerup aallartinnerata kinguinngua sukkanerpaamik nassiunneqassaaq.

Innersuunneqarpoq, atuartup atuarfiup siunnersuisarfia [immikkut ittumik atuartitsinnermi ikorfartuineq \(specialpædagogisk støtte\)](#) pillugu saaffigissagaa tassunga tunngasunik atortorissaarutit ilinniariaatsillu ilinniarnermut ikorfertuilluarsinnaasut pillugit. Aammattaaq pisariaqartitat pillugit siunnersuisinnaapput aamma misilitsinnermut immikkut akuersissutit pillugit.

Misilitsitsisoq ilinniarnermullu siunnersortip ataatsimoorlutik naleqquttumik nassaassapput, aammattaaq taassuma iluani atortorissaarutit sinaakkutillu pisariaqartitat, atuartup misilitsinneq pitsaanerpaamik ingerlanissaanik anguniarlugu, atuartunut allanut naleqqersuunneqarsinnaasumik. Tamanna ilinniartuup pisortaata akuerissavaa.

Napparsimalermermi

Atuartoq misilitsinnerup ulluani napparsimaguni, ilinniartut kiffartuuffiannut 323099-imut sianissaaq. Tamanna piaarnerpaamik pissaaq. Eqqaamallugu klassi aamma CPR-normu ilinniartut kiffartuuffiannut nalunaarutigissagakku.

Atuartoq oqaluttariarsorluni imaluunniit allattariarsorluni napparsimaleruni, misilitsitsisumut imaluunniit misilitsinnermi nakkutilliisumut saaffiginnissaaq ini misilitsiffiusup qimanninnerani. Taava atuartoq napparsimanermut uppersarsaammik (lægeerklæring) takutitsissaaq, ulloq misilitsiffimmi napparsimasimaneq uppersarsarlugu. Uppersarsarsinnaagaanni misilitsinnermut misiliinertut isigineqassanngilaaq, ingerlaannartumillu atuartoq napparsimalluni misilitsinnermut ilanngutitinneqassaaq.

Napparsimarnermut uppersarsaat atuarfiup tingoreersimassavaa ulloq misilitsiffiusoq ulluinnarnik tallimanik qaangiutsinnagu. Uppersarsaat nassiunneqassaaq ilinniartut kiffartuuffiannut info@gbs.gl -imut. Atuartup nammineq napparsimanermut uppersarsaatit allannera akilissavaa. Nalinginnaasuuvoq napparsimasimanerup kinguneranik misilitsinneq misilitsinnerup eqqortup qaammatinik pingasunik qaangiunnerani neqeroorutigineqartarnera. Qaammat juli qaammatinut taakkununga naatsorsuussaannngilaaq. Misilitsinnerup ilaa naammassineqarsimanngippat uppersarsaatilimmik napparsimanikkut, tingoqqinneqarsinnaanngilaaq,

misilitsinneq tamarmi angusiffioreersimappat. Tamannali atuutinngilaq tassunga ilinniarnermut aaliangersakkami immikkut ittumik aaliangersaasoqarsimappat.

Atuartoq misilitsinnissaq sioqqullugu siviunerusumik napparsimasimappat, tamannalu pissutaalluni suliaminik tunniussinngitsoorluni, napparsimasimalluni misilitsinnermik neqeroortoqarsinnaavoq. Atuartoq napparsimanermut uppersammik takutitsinnaassaaq. Napparsimasimalluni misilitsinneq taamaallaat ingerlanneqarsinnaavoq, napparsimaneq tunniussinissamut qaammat ataaseq sioqqullugu pisimappat. Napparsimasimalluni misilitsinnissamut imaluunniit nalinginnaasumik misilitsinnissamut pisut ataasiakkaarlugit aaliangiiffineqartassapput, apeqqutaalluni napparsimaneq qanoq siviutigisimaneersoq misilitsinnissallu ullulerneqarnera.

Atuartoq napparsimanermut uppersaammik takutitsinnaanngippat, misilitsinnermut misiliinertut isigineqassaaq, atuartorlu misilitseqqinnermut nalunaarutigineqarluni (takuuk immikkoortoq napparsimalluni misilitsinneq aamma misilitseqqinneq).

NAPPARSIMASIMALLUNI MISILITSINNEQ AAMMA MISILITSEQQINNEQ

Misilitsinneq angusiffiusimasoq tingoqqinneqarsinnaanngilaq. Misilitsinneq angusiffingngikkaanni imaluunniit peqataannginnissamut qinnuteqarnermut itigartitaasimagaanni, taava ingerlannartumik misilitsinnermut tassunga nalunaarutigineqassaaq, tulliani pilerpat.

Oqaluttariarsorluni imaluunniit allattariarsorluni ilinniagaq nangeqqissagaanni fagini angusiffiusariaqartuni, napparsimasimalluni misilitsinneq aamma misilitseqqinneq piaarnerpaamik pisassaaq. Tamanna pisassaaq kingusinnerpaamik qaammatit pingasut qaangiutinnginneranni. Fagini allani napparsimasimalluni misilitsinneq aamma misilitseqqinneq aatsaat pisinnaavoq, fagi neqeroorutigineqaaqqippat – nalinginnaasumik ukiup tulliani.

Misilitsinnermut misiliineq

Fagimi angusiniaraanni pingasoriarluni misiliilluni misilitsittoqarsinnaavoq. Misilitsinnermut nalunaarutigineqarsimagaanni, misilitsinnermut misiliinertut naatsorsuunneqassaaq, imaakkuni:

- Misilitsinnermut angusinngitsoorpoq, tassa imaappoq angusat F/-3 imaluunniit Fx/0
- Misilitsinniarani nalunaarfissamut kingusinaaraanni
- Misilitsinneq qimakkaanni, piffissaliussa q sulii naanngitsoq
- Allaffigineqarsimannngitsumik tunniussigaanni
- Misilitsinnissamut nalunaarfigisamasamut takkutinnngitsooraanni

Fagimi ataatsimi misiliilluni misilitsinnerit pingasut atorsimagaanni angusinani, misiliilluni misilitsinnerit sisamassaat qinnutigineqarsinnaavoq. Tamanna ilinniarfiup pisortaanit aaliangerneqassaaq.

Misiliilluni misilitsinniarluni immikkut ittumik akuersissummik qinnuteqarniaraanni, immikkut ittumik qinnuteqaat tassunga tunngasunik uppersaatinik ilallugu nassiunneqassaaq ilinniartunut kiffartuuffimmut info@gbs.gl -imut. Tamanna pissaaq kingusinnerpaamik misilitsinnermi angusat nalunaarutigineqareernerisa ullunnaat tallimat qaangiutsinnagit.

Atuartoq ilinniakkami misilitsinnermi angusaq peqqutigalugu ingerlaqqissinnaangippat, atuartoq atuarfimmi atuartut allassimajunnaassaaq, atuarfiulli akuerippagu, atuartup ilinniagaq ingerlateqqissinnaavaa aallaqqaataaneerlugu. Atuarfiup atuartoq atuarfimmi allaqqajunnaartikkuniuk, taanna siunnersussavaa allanik ilinniagqinnissamut periarfissanik. Assersuutigalugu allamut ilinniakkamut nuunnerusinnaavoq.

NUUP AVATAANI MISILITSINNEQ

Piumasaqaataavoq inuttut takkunnissaaq oqaluttariarsorluni aamma allattariarsorluni misilitsinnernut, atuarfimmi ingerlanneqartunut. Immikkut ittumik atuarfik misilitsitsisinnaavoq internetikkut kalaallit nunaanni imaluunniit qallunaat nunaanni ilinniarfimmi, imaluunniit nunami allami, peqquteqavissumik peqquteqarpat ilinniartuq inuttut pissutsit imaluunniit aningaasat tungaasigut peqquteqartumik peqataasinnaangippat. Nuup avataani misilitsinneq misilitsinnermut malitassat atuuttut aallaavigalugit pisassaaq (takuuk immikkoortumi oqaluttariarsorluni internetikkut misilitsinneq).

Atuartup akisussaaffigivaa GBS/NI-p pisariaqalissappat sukkanerpaamik attaviginissaa. Attaviginninneq pissaaq ilinniartunut kiffartuussiffimmut info@gbs.gl -imut imaluunniit 323099-imut. Taassuma kingorna immikkut ittumik qinnuteqaat immersorneqarsimasooq nassiunneqassaaq.

Atuartup, GBS/NI-lu suleqatigalugit ilinniarfik nassaarissavaat, misilitsinnermik ingerlatsiffiusinnaasoq. Ilinniarfik aaliangiunneqarpat, atuarfiup nakkutilliisussaataaannermik nalunaarut toqqangaasumut nassiutissavaa. Tamanna pingaarnertinneqarpoq, kisiannili periarfissatut misilitsinneq praktikkerfimmi imaluunniit pisortaarfimmi pisinnaavoq. Taanna atuarfimmut utertinneqassaaq misilitsittoqannginnerani. Aammattaaq atuarfiup akuerissavaa misilitsinnermi nakkutilliisoq, allallu misilitsinnerup taassuma ingerlannerani ikiuttussat.

GBS/NI-p immikkut Nuup avataani misilitsinnermi aningaasartuutigineqartut akilissavai. Atuarfik aaliangersinnaavoq aningaasartuutit tamaasa imaluunniit ilaannai akilissanerlugit, atuarfiup nalileruniuk atuartoq peqquteqavissumik pissutsit imaluunniit aningaasat pissutigalugit Nuummi misilitsinnermi nammineq takkulluni peqataasinnaangitsoq.

Taamaanngippat, atuarfiup aaliangersinnaavaa atuartup aningaasartuutit tamaasa imaluunniit ilai akilissagai, atuarfiup aningaasartuutigisimasai internet-ikkut misilitsinnermut atatillugu. Piumasaqaataavoq atuartup taama pisoqannginnerani allakkatigut aningaasartuutit akilernissai akuersaarsimassagai. Atuarfiup piumasarisinnaavaa aningaasat siumoortumik misilitsinnginnermi akilereerneqassasut.

INTERNET-IKKUT OQALUTTARIASORLUNI MISILITSINNEQ

Internet-ikkut oqaluttariarsorluni misilitsinnermut atatillugu internet-imut isumannaatsumik attavilimmik inimik, atuarfiup IT-lerisuanit, pilersitsisoqassaaq. Internet-ikkut misilitsinneq pitsaasuussappat, ilinniartup qulakkiissavaa teknologi atorsinnaanersaq. Atuartup nammineq qulakkiissavaa teknologip ajoquteqannginnera. Ini misilitsiffiusoq eqqissisimanassaaq akornusersuisoqaranilu, inunnik allanik isersimasoqassanngilaq, allatut isumaqatigiissimannikkaanni. Taamaallaat misilitsinnermi nakkutilliisoq peqataasinnaavoq, malittarisassat eqquutsinneqarnersut qulakkeerisussaq.

Atuartup misilitsinneq tamaat assiliivik ikumatissavaa, assimillu akuerisamik kinaassutsini uppersarsinnaassallugu. Atortorissaarutit akuerineqartut, siusinnerusukkut suussanersut nalunaarutigineqareersimasut, atoqqusaapput. Misilitsinneq atuartumit immiuteqqusaanngilaq, immiussaqaassappallu misilitsinnermi malittarisassanik unioqqutitsinertut isigineqassaaq. Atuartoq misilitsinnerup platformianut misilitsinneq sioqqulluarlugu isereersimassaaq. Ajornartorsiuteqaleruni ilinniartup IT-support imaluunniit misilitsinnermi nakkutilliisoq attavigissavaa.

Militsitsisoq aamma censor login-imut paasissutissanik sapaatip akunneranik misilitsinnissaq sioqqullugu nassinneqareersimassapput. Nalilersuinerup nalaani ilinniartoq attavimmiit anissaaq, censor misilitsitsisorlu allanik tusarnaartoqaratik nalilersuineq ingerlanniassammassuk.

IT-support

Censori internet-ikkut peqataappat, IT-support-ip imaluunniit misilitsinnermut pilersaarusiortup isumagissavaa tamarmik marluullutik PowerPoint-præsentation takutissinnaassagaat. Tamanna ataatsimiinnissamut qaaqquissummi iluarsereerneqarsimassaaq. Misilitsitsisoq censorilu aaqqissueqataasutut aaqqereersimassapput. Akuerisaavortaaq censorip takutitassami oqaasissat allattorsimaffii takusinnaassagai, censorip kissaatigissappagu.

PRAKTIKKERNERMIK SIVITSUINEQ

Malugiuk immikkoortoq una TNI-ilinniarnermut atuummat, MERX-ilinniarnermuunngitsaq.

Ilinniartoq suliffeqarfillu praktikkernermik sivitsuinissamik isumaqatigiissusiorsinnaapput, ilinniartoq imaappat:

- Napparsimalluni praktikkerfimmi suliffeqarfimmi ilinniarnernup sivilissusaa 10 procent-anik qaangeraanni.
- Sulinngiffeqarallaraanni (orlov) imaluunniit naartunermut, erninermut imaluunniit meeravissartaarnermut atatillugu sulinngiffeqaraanni
- Immikkut pissutsit pequtugalugit sulinerup sivilissusaa appartissimagaanni
- Misilitsinnermi angusinngitsooraanni
- Ilaatigut atuarnernup avataatigut atuaqqittariaqassagaanni

Qulaani taakkartorneqartut arlaat pequtaalluni ilinniarnernup sivilissusaa peqannginneq sipporlugu ilaqqittariaqassagaanni, isumaqatigiissut taamaallaat atorsinnaavoq, ilinniarfiup pisortaata imaluunniit forständerip akuerippagu. Ilinniartoq qulaani taaneqartut pequtugalugit praktikkerfimmiit misiliinerup nalaani qaammat ataaseq sinnerlugu peqanngikkuni, misiliineq peqanngiffiata assinganik sivitsorneqassaaq.

Praktikkertarneq pillugu annertunerusumik paasisaqarusukkaanni Inatsisartut inatsisaanni inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit inatsimmi nassaarinqarsinnaapput. §28-30 praktikkernermi ilinniarneq atuarneqarsinnaavoq. §38-imi suliffeqarfinni praktikkerneq pillugu paasisutissiineq nassaarinqarsinnaavoq, aamma §41-55 atuartut inatsisitigut praktikkertillutik atugaat pillugit paasisutissat amerlanerit nassaarinqarsinnaapput.

CENSORINIK ATUINEQ, CENSORINIK TOQQAANEQ AAMMA CENSORIP ILEQQUSSAI

Censorit pitsaassutsimik kiisalu atuarfiup ilinniarfiinik ineriartortitsinermut qulakkeerinninnermut pingaaruteqarput. Qulakkeertarpaat misilitsinnerit eqqortumik ingerlanneqarnersut, ilinniartut assigiimmik eqqortumillu pineqarnersut kiisalu naammassisaat ilumoortumik nalilerneqarnersut. Censorittaaq naammagittaalliutinut suliareqqusassanngortitsinernilu suliarinninnerni peqataasarput. Censorit pillugit malittarisassat nalunaarummi allaaserineqarsimasut, atuarfimmit malinneqarput.

Censorimik toqqaanermut piumasagaatit

Atuarfiup qulakkiissavaa censorinik toqqaaneq ersarissumik attuumassuteqanngitsumillu ingerlassasoq kiisalu censorip tamatingoortumik piginnaasaqassasoq. Censorit fagip imai sukumiisumik nutartikkamillu ilisimassavai kiisalu ilisimassallugit fagip qitiusumik atorneqarnissaanut periarfissat. Censoritut toqqagaanissamut piumasagaatit nalunaarummi ersarinnerusumik allaaserineqarput.

Atuarfiuttaaq qulakkiissavaa censorit misilitsinnernut ukiumiit ukiumut assigniinnut atorneqassanngitsut, nikittaanneq kinaassusersiunnginnerlu qulakkeerniarlugit. Misilitsinnernut ataasiakkaanut censorinik toqqaaneq atuartitsisup suliassaraa, ilinniarfiulli pisortaata aamma sularisinnaallugu. Atuartitsisut ilinniarfiup avataaneersut censorinik toqqaqqusaanngillat. Censorinik toqqaanernut naggataatigut aaliangiineq ilinniarfiup pisortaaniippoq. Censori aturfimmi atorfeqaqqusaanngilaq, imaluunniit ukiut marluk kingulliit atorfeqarsimasussaannngilaq.

Censorimut paasissutissiineq

Misilitsinneq sioqqullugu censorimut nassiunneqassapput ilinniakkap aqqissungaana, fagip pineqartup allaaserinera, ilikkagassatut anguniagassat, atuarfiup GenAI-mut maleruagassai aamma karakterinut allattuiffissat. Pappilissat taakkua misilitsinneq sapaatip akunnerinik marlunnik sioqqullugit nassiunneqassapput. Paasissutissat taakkua nassiunnerinut akisussaaffik ilinniartunik kiffartuuffimmiippoq. Oqaluttariarsorluni misilitsinnermi internet-ikkoortumi censorimut login misilitsiffissamut internet-ikkoortumut nassiunneqassaaq.

Censorip ileqqussaa

Internet-ikkut misilitsitsissagaanni, censorip isumagissavai nutarsakkanik atortoqarnissaq, internet-imut attaveqaat sukkanera pissusissamisoortoq kiisalu webkamera ajoquteqanngitsoq (takuuk oqaluttariarsorluni internet-ikkut misilitsinneq).

Censorip pisussaaffigaa misilitsinnerup iluani pisunik allattuinnissaq kiisalu nalilersuinnermi karakteriliinermilu naammassisaq pillugu allattuinnissaq naammagittaallortoqalissagaluarpat atugassanik. Allattukkat sivikinnerpaamik ukioq ataaseq tigummineqassapput, aamma naammagittaallortoqarsimappat taassuma naammassinissaata tungaanut.

Censorip akisussaaffigivaa qulakkiissallugu misilitsinnerit malitassat atuuttut malillugit ingerlanneqarnersut, kiisalu ilinniartut tatiginartumik naapertuuttumillu nalilerneqarnersut.

Karakteriliineq naliliinerlu

Misilitsinnerup inernerit karakterillu digitalimik allattorneqassapput misilitsitsisumik aamma censorimit. GBS/NI-mi tassunga Wiseflow atorneqassaaq. Censori Wiseflow-imut isissutissaanik misilitsinnginnermi nassinneqassaaq, nalunaarutiginnineq ingerlanneqarniassamat. Karakterit Wiseflow-imut misilitsinneq naammassiniariapat allattorneqassapput, kingusinnerpaamik aqaguani. Naliliinermut karakterinullu naammagittaalliortoqarpat allaffeqarfiup censorip allattugai tingujumasinnaavai.

Napparsimasimalluni misilitsinnermi misilitseqqinnermilu censoriuneq

Inerteqqutaanngilaq censori misilitsivissornermi atorneqarsimasoq napparsimasimalluni misilitsinnermi misilitseqqinnermilu atussallugu. Censorili atorneqarsimasoq taamaallaat aappassaaneerniaraanni atorneqarsinnaavoq. Atuortoq pingajussaanik misiliippat censorimik nutaamik nassaartoqassaaq.

Censorip nalunaarusiaa

Misilitsereernerit tamaasa kingorna censorit naliliinermut skema immersugassaaq naatsunnguuaq immersussavaat, taavalu atuarfiup, Wiseflow-imut karakterit nalunaarutigereernerisa kingorna, nassiutissavaa. Naliliinermut immersugassaaq tassaavoq censorip nalunaarusiaa, imaqarlunilu apeqqutinik toqqaanermut, misilitsinnginnermi paasissutissiinermut, misilitsinnerup ingerlanneranut, naliliinerup karakteriliinerullu ingerlaneranut kiisalu nalileeqaataasumik suleqateqarneq pillugu imalik. Akissutit atuarfiup suliap pitsaassusaanik naliliineranut ilaassapput.

MISILITSINNERMI NALILIINEQ KARAKTERILINERLU

Atuartutut misilitsinnermi angusat tamarmik Lectio-mi takuneqarsinnaapput. [GBS-skalaen](#) (Greenlandic Grading System) amerlanertigut atuarfiup misilitsitsinerini atorneqartarpoq. Aammattaaq nalilerneqarsinnaavoq "angusivoq/angusinngilaq".

Nalileeriaaseq misilitsinnermut aaliangersimasumut fagimi aaliangersimasumut fagit allaaserineqarneraniippoq, ilinniakkap aaqqissuussaanaera ilinniakkamut aaliangersimasumut. Malugeqqunekarpoq GBS/NI-mi misilitsinnermi tamani, allaaserinninnertaqartuni aamma oqaluttariarsornertaqartuni, aallaaviumik taakkua pingaartinneqartut 50/50-itut misilitsinnerit tamaasa ataatsimut isigalugit naliliinermi.

Oqaluttariarsorluni misilitsinnermi misilitsinnermi naliliineq oqaatsitigut nalunaarutigineqassaaq misilitsitsisumit aamma censorimit. Kingorna misilitsinnermi naliliineq Lectio-mi takuneqarsinaavoq. Allattariarsorluni misilitsinnermi atuarfiup ullulissavaa, qaqugu misilitsinnermi naliliineq ilinniartumut Lectio-mi takuneqarsinnaassanersoq.

Misilitsinnermut naliliinerit / karakteriliinerit tamarmik digitalitut misilitsitsisumit aamma censorimit Wiseflow-imut allanneqassapput. Allattuineq kingusinnerpaamik misilitsinnerup aqaguani pissaaq. Misilitsinneq suli nalilerneqanngitsutut isigineqassaaq, misilitsitsisup censorillu naliliinitik nalunaarutiginnippatigit. Censor link-imik nassinneqassaaq nalunaarutiginniffissaanik.

Atuartitsisup nalunaarutaa

Misilitsinnerit kinguneri tamaasa atuartitsisup naliliinnermut immersugassaaq naatsoq immersussavaa, atuarfiullu nassitutissavaa, karakterit tamarmik Wiseflow-imut immersuunneqareerpata. Naliliinnermi immersugaq tassaavoq atuartitsisup nalunaarusiaa imaralugulu apeqqutit toqqaaneq, misilitsinnerup siorna paasissutissat tigusat, misilitsinnerup ingerlanera, naliliinnerup aamma karakteriliinnerup ingerlannera aamma nalileequatip suleqatiginera pillugit. Akissutit atuarfiup misilitsinnerit ingerlannerisa pitsaassusaannik qulakkeerinninnermut atorput.

Eqimattakkaarluni misilitsinnerit

Oqaluttariarsorluni aamma allattariarsorluni misilitsinnerit eqimattakkaarluni ingerlanneqarsinnaapput, fagip allaaserineqarnerani imaluunniit pikkorissarnerup pilersaarutaani periarfissatut taaneqarsimappata. Allatani taakkunani ersarissumik paasissutissiisoqarsimassaaq, qanoq eqimattakkaarluni misilitsinneq ingerlanneqarsinnaanersoq, atuartorlu kisimiilluni misilitsinnissaminik toqqaasinnaanersoq. atuartuttaaq atuartitsisortillu isumaqatigiissutigissavaat, eqimattami ataatsimi qanoq amerlatigisinnaanersut. Atuartitsisup aaliangissavaa, eqimattami atuartut peqataasut qassiussanersut.

Oqaluttariarsorluni misilitsittoqarpat suliarisimasamik allatamik tunngaveqartumik atuartunit arlalinnit suliarineqarsimasumik, atuartut tamarmik ataasiakkaarlutik takutitassartik saqqummiutereersimassavaat, ataasiakkaarlutik karakterilerneqannginnerminni. Atuartut misilitsiffimmeequsaanngillat, ataasiakkaarlutik misilitsinnissamik tungaanut. Tamanna isumaqarpoq, eqimattami ilaasortat allat inip silataani utaqqissasut, tullinnguunnissamik tungaanut. Eqimattap ilaasortai inip silataani ataatsimoorlutik utaqqisinnaapput, kisianni misilitsinneq imaluunniit sammisaq pillugu oqallinneq inerteqqutaavoq, ilamik arlaata misilitsinnerata nalaani.

Ilaasortat tamarmik ataasiakkaarlutik ersarissumik akunnaallisakkamillu saqqummiissapput, misissorneqarsinnasumik immikkullu nalilerneqarsinnaasumik. Ilaasortat ataasiakkaat ilanngussaasa suliap ataatsimut 25%-ia sinneqqusaanngilaat.

MISILITSISSIMANERMUT UPPERNARSAAT

GBS/NI-p ilinniakkami imaluunniit pikkorissarnermi misilitsissimanermut uppernarsaat suliarisarpaa. Uppernarsaat nassiunneqartarpoq imaluunniit tunniunneqartarpoq timalimmik kingusinnerpaamik qaammatit marluk qaangiunneranni naliliinerup inaarutaasumik misilitsinnermi nalunaarutigereernerata kingorna. Qaammatit marluk taakkua iluanni qaammat juli naatsorsuutigineqangilaq.

Atuarfiutaaq misilitsissimanermut uppernarsaat suliarisarpaa ilinniakkap immikkoortortaannut, Atuartunut ilinniakkamik qimatsisunut naammassinngikkaluarlugu. Misilitsissimanermut uppernarsaammi naqinneq M fagimut nalunaaqutsiunneqartarpoq, atuartup naammasseriigaasa nalaannut. Atuarfiup paasissutissat paarisarpai, pisariaqartut uppernarsaammik sananissamut misilitsinnerup ukiuni 30-ini kingorna.

NAAMMAGITTAALLIUTIT

Atuartoq karakterit imaluunniit misilitsinneq pillugu naammagittaalliorsinnaavoq. Naammagittaalliuut allakkatiguussaaq nassiunneqassallunilu info@gbs.gl -mut. Naammagittaalliuut aamma eqimattatut tunniunneqarsinnaavoq. Atuarfiup naammagittaalliuut nalilersussavaa aamma censorip allattugai kiisalu misilitsitsisup allattugai suliap ingerlanneqarnerani tunngavissatut tigussavai. Atuartup ilinniarnini nangeqqissinnaavaa, naammangittaalliuut suliarinerata nalaani, naammangittaalliuut atuartup ilinniakkamik ingerlatsinera sunnissanngilaa. Naammangittaalliuut isertukkatut suliarineqassaaq misilitsissimanermullu uppernarsaammut allanneqassanani.

Naammangittaalliuut kingusinnerpaamik sapaatit akunnerit marluk qaangiuppata tunniunneqassaaq. Atuarfiup allaganngorlugu akinissaminut sapaatit akunnernik pingasunik piffissaqarpoq, imaassinnaallunilu:

- Naliliinissamut nutaamik neqeroorfigitinneq (oqaluttariarsorluni misilitsinnernut atuutinnngilaq)
- Misilitsinnermik nutaamik neqeroorfigitinneq
- Naammangittaalliuut itingarinneqarpoq

Misilitsinnermik imaluunniit naliliinermik nutaamik neqeroortoqarpat, atuartup neqeroorut sapaatit akunnerit marluk qaangiutsinnagit akuersaassavaa. Misilitsinneq nutaaq angusaqarfiusinnaavoq karakterimik qaffasinnermik, appasinnermik, imaluunniit periikkap assinganik.

Atuarfiup akisussaaffigivaa, suliassat pitsaassusaasa qulakkeernissaat. Misilitsinnerup nalaani kukkunermik nassaartoqarpat, atuarfik aliangiangersinnaavoq misilitsinneq unitsissasoq nutaamillu piffissamik misilitsitsilluni. Misilitsinneq kukkuneqarluni ingerlatinnarneqarpat, censor ilisimatinneqassaaq. Nutaamik misilitsittoqarpat, karakteriliussaasimagaluartoq taarserneqassaaq.

Misilitseriaaseq allangortinneqarsinnaasanngilaq misilitsinnerup naammassereernerata kingorna, immikkut illuinnartunik peqquteqanngippat. Misilitsinneq siulleq naapertuutinngippat imaluunniit ingerlannissaa ajornakusoorpat, atuarfik aaliangersinnaavoq misilitseriaaseq misilitseqqinnermi allangortinneqassasoq.

Misilitsitsisoq censorilu nalilersuinerup ingerlanerani suliaq kiisalu karakteriliineq pillugu allattuissapput, naammangittaalliortoqaleriassagaluarpas atungassanik. Allattukkat sivikinnerpaamik ukioq ataaseq toqqortarineqassapput, kiisalu naammangittaalliortoqarsimappat taassuma suliarinerata naanissaata tungaanut.

Naammangittaalliornerup imarippagu, suliap inatsit atuuttoq kiisalu allaffissornermut inatsisit ileqqusut malillugit suliarineqarsimanersoq, atuarfiup aaliangiinera Ilinniartitaanermut naalakkersuisoqarfimmut apuunneqarsinnaavoq. GBS/NI tassani oqaaseqaateqarsinnaavoq, naammangittaalliortup ullut qulit qaangiutsinnagit oqaaseqarfigisinnaasaanik. Tamatuma kingorna atuarfiup naammangittaalliuut, atuarfiup oqaaseqaataa aamma naammangittaalliortup oqaaseqaatigisinnaasai Ilinniartitaanermut naalakkersuisoqarfimmut nassiutissavai.

ILANNGUSSAQ 1: IMMIKKUT AKUERINEQARNISSAMUT QINNUTEQARNERMUT IMMERSUGASSAQ

Qinnuteqaat immersoreerpat, ilinniartut kiffartuussiviannut nassiunneqassaaq info@gbs.gl -imut

Immersugassat tamaasa paasisutissanik qinnuteqartumut tunngasunik immersukkit

Ateq	
Cpr-normu	
Telefon/mobil	
E-mail	
Najugaq	
Illoqarfik/nunaqarfik	
Postnormu	
Nuna	

Ilinniarnermut faginullu immikkut akuerineqarnissannik qinnuteqarpunga

Ilinniagaq	
Fagi	
Ukioq	

Ilinniarnermut faginullu immikkut akuerineqarnissannik qinnuteqarpunga (krydsileruk)

Misilitsinnermut peqataaniarunnaarneq	
Misilitsinnermut peqataaniarneq, naak peqataanissamut pinngitsuugassaangitsut naammassisimangikkaluartut	
4. misilitsilluni misiliineq	
Nuup avataani misilitsinneq	

Immikkut akuerineqarnissannik qinnuteqarpunga immikkut atukkat pissutigalugit, ukuusut (ataaseq arlallilluunniit krydsilikkit)

Timikkut innarluuteqarneq	
Tarnikkut innarluuteqarneq	
Naqinnernik ilisarinnissinnaannginneq imaluunniit kisitsisinik ilisarinnissinnaannginneq	
Oqaatsit assersuutigalugu marluinnik oqaaseqarneq	

Immikkut akuerineqarnissannik qinnuteqarpunga allat peqputigalugit (peqqutaasut tullerijiarlugit allaaserikkitt)

Qinnuteqarnermut peqqutaasoq (tullerijiarlugit allakkit)

Uppernarsaat (krydsileruk)

Nakorsap allagarsiussaa	
Psykologip oqaaseqaataa	
Naartunerup nalaani allagartaq/Inunngornermut allagartaq/Meeravissiaanermut uppernarsaat	
Misissuisimanermut nalunaarussiaq	
Naqinnernik ilisarinnissinnaannginnermut/dysleksimut assingusumulluunniit misissortissimaneq	
Toqusup allagartaa	
Akuersaarnermut atsiugaq ilinniartup Nuup avataani misilitsinnermut atatillugu aningaasartuutunik akiliinissamut kiisalu allat pappilissat tamatumunnga tunngasut.	
Allat	

Ulloq

Qinnuteqartup atsiornera

Ilinniarfiup pisortaata immersugassaa

Aaliangigaq (krydsileruk)

Akuerineqarpoq	
Itingartinneqarpoq	

Tunngavilersuut (tulleriarlugit allakkit)

--

Akuersisoq

Ulloq	
Ilinniarfiup pisortaa (ateq)	
Atsiorneq	